



PAENITENTIARIA APOSTOLICA

Prot. N. 985/17/I

DECRETUM

PAENITENTIARIA APOSTOLICA, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, Exc.mo ac Rev.mo Patri Domino Vieslavo Szlachetka, Auxiliari Episcopo Gedanensi, benigne concedit ut, in sacra peregrinatione Familiae Radiophoniae Mariae Congregationis Sanctissimi Redemptoris Thorunii, ad Sanctuarium Beatae Mariae Virginis Częstochoviensis de "Doylestown", Philadelphiensis Archidioeceseos, die II vertentis mensis Iulii peragenda, post litatum divinum Sacrificium, impertiat omnibus Episcopis, presbyteris, diaconis, religiosis et christifidelibus adstantibus qui, vere paenitentes atque caritate compulsi, iisdem interfuerint sacris, **papalem Benedictionem** cum adnexa *plenaria Indulgentia*, suetis sub condicionibus (sacramentali Confessione, eucharistica Communionem et Orationem ad mentem Summi Pontificis) lucranda.

Christifideles qui **papalem Benedictionem** devote acceperint, etsi, rationabili circumstantia, sacris ritibus physice non adfuerint, dummodo ritus ipsos, dum peraguntur, ope instrumenti televisifici vel radiophonici propagatos pia mentis intentione secuti fuerint, *plenariam Indulgentiam*, ad normam iuris, consequi valebunt.

Contrariis quibuslibet non obstantibus.

Datum Romae, ex aedibus Paenitentiarum Apostolicarum, die I mensis Iulii, anno Domini MMXVII.

MAURUS Card. PIACENZA
Paenitentiarius Maior

CHRISTOPHORUS NYKIEL
Regens